

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी होरें नागरिकें थमां “हर घर तिरंगा” अभियान च उत्साहपूर्वक हिस्सा लैने दा आग्रह कीता ऐ।
2. भारत ने गैर जीवाश्म ईंधन पर आधारित बिजली पैदा करने दी छमता च 300 गीगा वाट दा ऐतिहासिक आंकड़ा पार करी लैता ऐ।
3. भारतीय नौसेनाअमरीकी नौसेना दा सांझा एक्स-प्लोसिव ऑर्डनेंस डिस्पोजल EOD अभ्यासअज्जै थमां कोच्चि स्थित दक्ख 2026 नी नौसेना कमान थमां शुरू होग।
4. रुस नै रणनीतिक तौर पर महत्वपूर्ण समुन्द्री रस्ते पर निर्भरता घट्ट करने आस्तै हिंद महासागर ते भारत तगर रेल मार्ग विकसित करने दा प्रस्ताव रखेआ ऐ।
5. उज्बेकिस्तान दे ताशकंद जुनियर भारतुलकने आहली प्रतियोगिता च भारतीय भारतुलकने आहले महाराजन होरें मर्दे दे किलोग्राम वर्ग च चांदी दा तगमा 65 जितेआ।

<><><><><><>

PM –Har Ghar Tirnga

प्रधानमंत्री नरेन्द्र मोदी होरें नागरिकें थमां “हर घर तिरंगा” अभियान च उत्साहपूर्वक हिस्सा लैने ते विकसित भारत दे निर्माण च योगदान देने ते अपने सामूहिक संकल्प गी नवीकृत करने दा आग्रह कीता ऐ। मोदी होरें सोशल मीडिया पोस्ट च आखेआ जे तिरंगा साहड़ा गौरव ऐ ते राष्ट्र आस्तै अपना सर्वश्रेष्ठ देने दी लगातार प्रेरणा दा स्रोत

ऐ। प्रधानमंत्री होरें आखेआ जे उनें गी खुशी ऐ जे इस बरे दे जल्न “वंदे मातरम” गी समर्पित न ते ओह बी ऐसे समें पर जिसले इसदी 150मीं बरेगंड मनाई जा’रदी ऐ।

<><><><><><>

Har Ghar Tiranga

मुख्य भरै च “हर घर तिरंगा” अभियान मनाया जा’रदा ऐ। एदा मकसद देशभक्ति, राष्ट्रीय एकता ते भारत दी समृद्ध सांस्कृतिक विरासत गी बढ़ावा देना ऐ। इस अभियान तैहत नागरिकें गी राष्ट्रीय झंडा फैहराने ते सरबन्धी गतिविधियें च हिस्सा लैने लेई प्रेरित कीता जा’रदा ऐ। इस बरे एह अभियान होर बी उत्साह ते जोश कन्ने मनाया जा’रदा ऐ कि जे एह “वंदे मातरम” गी समर्पित ऐ ते “वंदे मातरम” दी रचना दे 150 बरे पूरे होआ रदे न।

<><><><><><>

India Non- Fossil Energy

भारत ने गैर जीवाश्म ईंधन पर आधारित बिजली पैदा करने दी छमता च 300 गीगा वाट दा ऐतिहासिक आंकड़ा पार करी लैता ऐ। नमीं ते परती-परतियै बरती जाई सकने आहली ऊर्जा सरबन्धी केन्द्री मंत्री प्रहलाद जोशी होरें इस बारे इक सोशल मीडिया प्लेटफार्म पर घोषणा करदे होई दस्सेआ जे पिछले 12एं बरे च मुख्य च स्वच्छ ऊर्जा छमता च 400 प्रतिशत दा जबरदस्त बाददा दर्ज कीता गेआ ऐ जेहड़ा जे इस अरसे च 75 गीगावाट कोला बधियै 300 गीगावाट कोला उप्पर पुज्जी गेआ ऐ। उ’नें दस्सेआ जे भारत च छड़ी सौर ऊर्जा छमता गै 165 गीगावाट कोला मती होई गेई ऐ जिसलै के

हवा यानि पवन ऊर्जा दी स्थापित छमता 58 गीगावाट कोला मती ऐ। इस रफ्तार कन्नै मेद ऐ जे भारत 2030 तगर 500 गीगावाट छमता कोला बी अगड़े बधी जाहग।

<><><><><><>

India- US Navy

भारतीय नौसेना-अमरीकी नौसेना दा सांझा एक्स प्लोसिव ऑर्डनेंस डिस्पोजल EOD अभ्यान 2026 अज्जै थमां कोच्चि स्थित दक्खनी नौसेना कमान थमां शुरु होइए 14 अगस्त तगर चलोग। रक्षा मंत्रालय नै दस्सेआ जे इस दपक्खी अभ्यास दा मकसद दौनें नौसेनाएं दा EOD टीम ते माहिर गोताखोरे बश्कार दे अंतर- सचालनीयता गी बदाना ऐ ते पेशेवर सहयोग गी मजबूत करना ऐ। 5 जिन दे इस अभ्यास च खासतौर पर माहिर विनियम-क्रॉस प्रशिक्षण उपकरणें दा प्रदर्शन ते स्थिति आधार व्यवहासिक अभ्यास शामिल ऐ। मंत्रालय नै दस्सेआ ऐ जे भारतीय नौसेना ते अमरीकी नौसेना 2025 मगरा सांझे तौर पर अभ्यास आयोजित करा रदी ऐ। इनें दौनें नौसेनाएं दा एह खास दपक्खी प्रशिक्षण अभ्यास दा 8मां संस्करण ऐ।

<><><><><><>

India Bolivia

भारत नै बोलीविया दी सार्वजनिक सेहत सेवा क्षमता गी बदाने आस्तै जीवन रक्षक ते जरूरी दोआइयें दी 8 मीट्रिक टन खेप भोजी ऐ। विदेश मंत्रालय नै सोशल मीडिया पर इक पोस्ट च आखेआ जे भारत इकजुटता ते सांझा प्रगति दे राएं सहयोग गी अगगे बदाने लेई म्हेशा तयार ऐ।

<><><><><><>

India –Russia

रुस नै रणनीतिक तौर पर महत्वपूर्ण समुन्द्री रस्ते पर निर्भरता घट्ट करने आस्तै हिंद महासागर ते भारत तगर रेल मार्ग विकसित करने दा प्रस्ताव रखेआ ऐ। रुसी उप-प्रधानमंत्री मराट खुस नुलिन होरें आखेआ जे वैकल्पिक रस्ते होर्मुज जल डमरु मध्य ते बोस्फोरस जल डमरु मध्य सनै 2 रणनीतिक पानी आहले रस्ते कन्नै जुड़े दे जोखिमें गी घट्ट करने च सहायक होई सकदे न। रुस दी सरकारी समाचार एजेंसी मुजब खुस नुलिन होरें आखेआ जे भारत तगर पुज्ज प्रदान करने आस्तै तुर्क मेनिस्तान-ईरान ते अफगानिस्तान थमां हुंदे होई लंघने आहले रेल रस्ते दा पता लाया जाई सकदा ऐ। एह प्रस्ताव पश्चिम एशिया च चला रदे संघर्ष दे चलदे आया ऐ।

<><><><><><>

Loksabha Act

लोकसभा दी कारवाई च अज्ज 4 विधेयक पेश कीते जाने न। इंदे च ट्रिब्यूनल सुधार विधेयक 2026/ खाने ते खनिज संसाधन विधेयक/ केरल नाम परिवर्तन विधेयक ते राष्ट्रीय सहकारी विकास निगम विधेयक 2026 शामिल ऐ। राज्यसभा च केन्द्रीय वित्त मंत्री निर्मला सीतारमण बैंकर बही साश्रय विधेयक पर विचार-विमर्श ते पारित करने आस्तै पेश करगंन। इस विधेयक दा मकसद बैंकर बही कन्नै सरबंधित साक्षर्ये आस्तै कनून बनाना ते इसी समकालीन डिजिटल बैंकिंग प्रथाएं दे मूजब बनाना ऐ।

<><><><><><>

PM-CWG Medalists

प्रधानमंत्री नरेन्द्र मोदी होंरें जंदे रोज नमीं दिल्ली च अपने आवास पर राष्ट्रमंडल खेड्ढ-2026 दे तगमें जितने आहलें खडारियें कन्नै मुलाकात कीती। तगमें जितने आहलें खडारियें प्रधानमंत्री हुंदे कन्नै गल्लबात दौरान, खेड्ढे कन्नै जुड़े दे अपने अनुभव सांझा कीते। इक सोशल मीडिया पोस्ट च मोदी होंरें आखेआ जे सब्बे खडारियें अपने शानदार प्रदर्शन कन्नै देश दा मान बधाया ऐ। उ'नें आखेआ जे खडारियें दी सफलता कैई युवाएं गी प्रेरित करोग। मोदी होंरें इक वीडियो संदेश सांझा करदे होई आखेआ के जेहड़े युवा खेड्ढगंन, ओह अगगे बधगंन ते नागरिकें गी हमेशा भारत दा उत्साह बधाने दी अपील कीती। प्रधानमंत्री हुंदी खडारियें कन्नै मुलाकात दौरान युवा मामलें ते खेड्ढ मंत्री मनसुख मंडाविया ते युवा मामलें ते खेड्ढ राज्य मंत्री रक्षा निखिल खडसे बी मौजूद हे। स्कॉटलैंड दे ग्लासगो च 23 जुलाई शा 2 अगस्त तगर आयोजित राष्ट्रमंडल खेड्ढे च भारत तगमे आहली तालिका च चौथी थहार पर रेआ। भारत ने कुल 39 तगमें जिते जिंदे च 13 सुन्ने दे 17 चांदी दे ते 9 कैह दे तगमें शामिल न।

<><><><><><>

Weight Lifting

उज्बेकिस्तान दे ताशकंद जुनियर भारत तुलकने आहली प्रतियोगिता च भारतीय भार तुलकने आहले महाराजन होंरें मर्दे दे 65 किलोग्राम वर्ग च चांदी दा तगमा जितेआ। महाराजन नै स्नैच 128 किलोग्राम ते क्लीन ते जर्क च 157 किलोग्राम भार चुकिए

अपना व्यक्तिगत तौर पर बेहतरीन प्रदर्शन करदे होई कुल 285 किलोग्राम दा भारत चुकेआ।

<><><><><><>

Jharkhand –Protest March

झारखंड पुलिस ने विधानसभा परिसर दे आहले-दोआले निशेधाज्ञा लागू करी दिती ऐ ते रांची च व्यापक सुरक्षा बवस्था कीती ऐ। एह गैह राज्य च भर्ती परीक्षाएं च कथित गड़बड़ियें दे खलाफ दंड हफ्तें शा मते समें शा विरोध-प्रदर्शन करा रदे विद्यार्थियें आस्सेआ अज्ज आयोजित विधानसभा मार्च दे मददेनजर चुकी गई ऐ। पुलिस ने आखेआ जे राज्य विधानसभा च प्रस्तावित धरना-प्रदर्शन गी दिक्खदे होई सब्बै जरूरी सुरक्षा इंतजाम कीते जा रदे न। विधानसभा भवन दे 750 मीटर दे दायरे च 6 कोला 12 अगस्त धोड़ी विशेषाज्ञा लागू ऐ। तौआई प्रदर्शन करा रदे विद्यार्थियें दा आखना ऐ जे झारखंड दे बक्ख-बक्ख हिस्सैं थमां राज्य दी राजधानी आ रदे सैंकड़ें विद्यार्थियें गी पुलिस आसेआ बलपूर्वक रोकआ जा रदा ऐ। विद्यार्थियें दा प्रदर्शन अज्ज 17में ध्याड़े च प्रवेश करी चुके दा ऐ। ध्यानजोग ऐ जे 6 विद्यार्थी भती परीक्षाएं च कथित गड़बड़ियें दे विरोध च भूख हड़ताल पर न।

<><><><><><>